



## Universitätsbibliothek Paderborn

**D. Haymo||nis Episcopi Hal-||berstatten[sis] Homiliarum,  
nunc sexto || maiori [pro] ante hac unquam dili||gentia  
excusarum, || Pars ...**

praeter omnes omnium appendices, accesserunt iam recens homiliae  
aliquot piæ, ante hoc tempus excusæ nusquam

Pars Aestivalis

**Haimo <Altissiodorensis>**

**Haimo <Halberstadensis>**

**Coloniae, 1551**

**VD16 H 222**

Dominica post ascensione[m] d[omi]ni

**urn:nbn:de:hbz:466:1-39335**

predicandum ubique euangelium idoneos sua uirtute esse, euangelista re necessaria adiunxit, dicens:

Domino cooperante, & sermonem confirmante sequentibus signis. ] ¶ Confirmauit dominus sermonem apostolorum sequentibus signis, quando per eos talia signa & uirtutes ostendit, ut nullus doctrinam eorum ex deo esse dubitaret, qui miracula conspiciebat. Talia uero signa per eos fecit, ut etiam quidam persecutores & contradictores compuncti, crederent: ut dum unus resuscitaretur corporaliter, multi resuscitarentur spiritaliter: & dum unus sanaretur in corpore, multi sanarentur in anima. Sed ipsi a postoli sermonem suum confirmauerunt deo secum cooperante, quando quod alijs predicauerunt uerbis, prius impleuerunt operibus. Confirmat autem doctor suum sermonem, quando quod alios docet, ipse prius opere complet: illum bonum doctorem imitatus, de quo scriptum est: Cœpit Iesus facere & docere. Act. 1.

DOMINICA POST ASCENSIONEM domini, I. Petri. IIII.

Charissimi, Estote prudentes, & uigilate in orationibus, Et reliqua.

**A**postolica nos uerba fratres charissimi considerare oportet, quæ in presenti lectione beati Petri nos admonentem atque docentem audiimus. [Estote itaque prudentes, & uigilate in orationibus, ] complentes opere ea quæ sunt in euangelio scripta.

Ante omnia autem mutuam in uobismet ipsis charitatem continuam habentes. ] ¶ Hæc enim maior esse omnibus uirtutibus creditur: quia charitas operit multitudinem peccatorum.

suorum uidelicet & illius, quem per suam doctrinam ad meliorem conuerterit uitam.

**Hospitales inuicem sine murmuratione.**

¶ Murmuratio enī noxia est operibus bonis. Et  
2. Cor. 9 ideo hilarē datorē dicit Apostolus diligere deum.

Vnusquisq; sicut accepit gratiam, in alterum illam administrantes, sicut boni dispensatores multiformis gratiæ dei, ¶ dantes propter deū propria diligenter indigentibus.

**Si quis loquitur quasi sermones dei,**  
id est, ut non negligenter q̄ predicat præceptū dei, deo reputer, nō sibi metip̄s, sed quasi sermones dei loquatur, ut non humano sensu ea quæ studeat intelligere, secundum carnalem scilicet sapientiam, sed secundum quod spiritus sanctus dictauit, eo modo spiritaliter ea intelligere studeat & operibus adimplere

**Siquis ministrat tanquā ex uirtute,** quam administrat deus. ¶ ut omnia dei dona diuinā reputer gratiæ, nihilq; suis quis meritis audeat deputare: quia bonum quicquid est in homine, ex dei tantum est operatione, non ex humana sapientia uel uirtute. Humiliter tamen impēdere debemus proximis bonum quod habemus, quia scimus nō ex nobis esse quæ sunt bona, sed ex dei tantū prouenire gratia.

**Ut in omnibus honorificetur deus per Iesum Christum dominum nostrum.** ¶ Ex omnibus bonis quæ deus humanæ tribuit largitati, ipsi semper ab hominibus laus & gratiarum actio referatur, ut exinde uitam æternam in ea laudū gratiarumq; actione digna permanentes obseruati-

one, mereantur. Ideo necesse est, ut sapius cogite-  
 mus quales futuri simus in die iudicii, purissimis  
 angelorum conspectibus offerendi, & æterno iudi-  
 ci rationem de libris cōscientiæ reddituri. Remo-  
 tis omnibus enim probationibus, certū est in die  
 illa ipsum ante se hominē cōstituendū, & ipsam si-  
 bianimam cordis speculo demonstrandā, & tes-  
 tes contra eam non de foris aliunde, sed intus de  
 semetipsa proferendos. Adhæc erunt non ali-  
 qua peregrina, sed omnia testimonia nota, id est,  
 opera sua. Vincamus ergo voluptates & intentio-  
 nes nostras, dum nobis tempus illud expectatiss-  
 simum ac beatissimum, felici mutatione æternæ  
 vitæ succedit, quando implebitur illud quod dñs  
 dicit: Erūt homines similes angelis sanctis. In assi-  
 duis em̄ fletibus, in quotidiana simus nostra pœni-  
 tentia, habemus sacerdotē in cælis, qui interpellat  
 pro nobis, de quo etiam p̄ Iohannē dicitur: Si quis  
 peccauerit, advocatū habemus apud patrē Iesum  
 Christū iustum, & ipse est propiciatio pro pecca-  
 tis nostris. Ecce exultat animus cū advocati nostri  
 potentiam audimus, sed exultationē nostram ite-  
 rum remordet timor, quia ipse q̄ nobis advocatus  
 est, dicitur iustus. Nos em̄ causas iniustitiæ habe-  
 mus, iustus vero advocatus iniustas causas nullo  
 modo suscipit, nec verba dare pro iniustitia con-  
 sentit. Quid ergo agimus fratres charissimi? Sed  
 ecce occurrit aīo quid agamus. Mala q̄ fecimus, &  
 deseramus & accusemus. Scriptum est: Iustus in  
 principio accusator est sui. Quilibet etenim pec-  
 cator, cōuersus in fletibus, iam iustus esse inchoat,  
 cū ceperit accusare quod fecit. Cur enim iam iu-  
 stus non sit, qui contra suam iniustitiam iam per-

Mat. 22.

Mar. 12.

1. Ioh. 2.

Pro. 18.

lachrymas sauit? Iustus igitur aduocatus uester, iustos nos defendet in iudicio, quia nosmetipsos & cognoscimus & accusamus iniustos. Non ergo in fletibus, non in actibus nostris, sed in aduocati nostri alleuatione confidamus, qui uiuit & regnat in secula seculorum, Amen.

DOMINICA POST ASCENSIONEM Domini. Iohan. XV.

In illo tempore dixit Iesus discipulis suis: Cum uenerit paracletus, quem ego mittam uobis a patre, spiritum ueritatis. Et reliqua.



**I**N multis locis euangelij legimus, quod ea quae minus apostoli de perfectione habebant, per spiritum sancti aduentum dominus se daturum promiserit: manifestius tamen exordio lectionis huius, non solum eundem spiritum re promittit, sed etiam quod ipsius dono ad praedicandum euangelium idonei reddendi essent: decla-

rat, cum dicit: [Cum uenerit paracletus, quem ego mittam uobis a patre spiritum ueritatis, qui a patre procedit, ille testimonium perhibebit de me.] Manifestum est autem, nec laboriosa expositione indiget, quare eundem spiritum paraclatum nomen *παράκλητος* enim graece, latine consolator siue aduocatus dicitur. Bene autem consolator, quia non solum apostolorum corda mœren-

tia de dñi absentia, uel ad sufferendas tribulatiões  
 & passiones consolatus est, sed etiam quotidie pro  
 peccati ppetratione lugentibus, dum spem uenię  
 repromittit, magnā consolationē impedit. A q̄ se  
 cōsolari p̄cabatur Propheta cū dicebat: Cōsola  
 tiones tuę dñe lætificauerunt animā meā. Pro q̄ in  
 Gręco legitur: *κι παραλήθεις σου, ἐν φρεσίν σου ἔχουσιν*  
 μιν. Et itē: Memor fui iudiciorū tuorū dñe a secu  
 lo, & consolatus sum. Bene autem a Iuocatus di  
 citur, quia cum sit æqualis patri & filio, p̄ delictis  
 nostris patrem quotidie interpellare non cessat,  
 qa ut ait Apostolus: Quid oremus, sicut oportet,  
 nescimus &c. Bene aut̄ ipsum sp̄m a se mitti, & a  
 patre p̄cedere phibet. nō quod aliter p̄cedat a pa  
 tre, & aliter a filio, uel aliter mittatur a filio, & ali  
 ter a patre: sed qa ipsa missio p̄cessio est, & ipsa p̄  
 cessio missio. Neq̄ em̄ diuersitas est p̄cedentis uel  
 mittentis, q̄bus una est essentia, parq̄ deitas. Non  
 em̄ minor est ille qui p̄cedit, illo, a q̄ procedit: neq̄  
 minor est ille q̄ mittitur, illo a q̄ mittitur: qa quod  
 est pater, hoc est filius, hoc ē & sp̄s sanctus. Quia  
 em̄ amborum spiritus est coæternus & cōsubstan  
 tialis, sicut p̄cedit a patre, ita & a filio. & sicut mit  
 titur a filio, mittitur & a patre. Quod uero parris  
 sit idē spiritus, dñs in euangelio manifestat, dicens  
 discipulis suis: Nō em̄ uos estis qui loquimini, sed  
 spiritus patris uestri, qui loquitur in uobis. Quod  
 aut̄ filij sit, Paulus apostolus ostendit cum ait: Si  
 quis spiritum Christi non habet, hic non est eius.  
 Venit etiam a seipso idē spiritus, quia uerus est de  
 us, sicut dñs ait: Spiritus ubi uult spirat. Et Paulus  
 enumeratis eiusdē sp̄s sancti uirtutibus, adiunxit:  
 Hęc omnia operatur unus atq̄ idem spiritus, di-

Psa. 93.

Psal. 118

Rom. 8.

Mat. 10:

Rom. 8.

Ioh. 3.

1. Co 12.

uidens singulis prout uult. Spiritus namq; ueritatis dicitur, quia a patre ueritatis procedit. Nam pater ipse est ueritas, filius similiter, & spiritus sanctus similiter. Et quod filius de seipso ait, Ego sum uita,

Ioh. 14.

ueritas & uita, hoc de patre & spiritu sancto intelligendum est: quia qualis est pater, talis est filius, talis est & spiritus sanctus. Quod autem ait, [Ille testimonium perhibebit de me,] manifestum est quod spiritus sanctus filio testimonium perhibuit quod deus esset, quoniam die sancto Pentecostes ab eo missus, sicut fuerat promissus, scientiam omnium linguarum apostolis tribuit. Nec solum tunc, uerum etiam antequam pateretur, testimonium ei perhibuit, quando in Iordane a Iohanne baptizatus, in specie columbe super eum apparuit, & audita est uox dicentis: Hic est filius meus dilectus, in quo mihi complaceui. Vnde & Iohannes ait: Et ego uidi, & testimonium perhibui, quia hic est filius dei. Siue certe spiritus sanctus filio testimonium perhibuit, quando apostolos ad testimonium perhibendum fortes reddidit. Vnde & subditur:

Matt. 3.

Ioha. 1.

Et uos testimonium perhibebitis, quia ab initio mecum estis. Non dicit, ab initio seculi, neq; ab initio natiuitatis, sed ab initio sue predicationis. Nam in initio sue predicationis dominus discipulos elegit, sicut idem Iohannes alibi ait: Hoc fecit initium signorum suorum Iesus in Cana Galilee, & crediderunt in eum discipuli eius. Tanto enim uerius eius testimonium post ipsius gloriosissimam ascensionem perhibere potuerunt, quanto manifestius illius opera & uirtutes ab initio sue predicationis conspexerunt. Vnde & dixerunt: Nos testes sumus horum omnium, quae fecit in regio-

Ioh. 2.

Act. 10.

ne Iudæorum & Ierusalem, quem occiderunt suspendentes in ligno. Hunc deus suscitavit tertia die, & dedit manifestum fieri, non omni populo, sed testibus præordinatis a deo, nobis qui manducauimus & bibimus cum illo, postquam resurrexit a mortuis. Et præcepit nobis prædicare populo, & testificari quia ipse est, qui constitutus est a deo iudex uiuorum & mortuorum. Huic omnes prophete testimonium perhibent, remissionem peccatorum accipere, per nomen eius, omnes qui credunt in eum. Sed quia per eandem prædicationem persecutio nascitura erat, recte subiungitur:

Hæc locutus sum uobis, ut non scandalizemini. Si enim (ut ait Apostolus) omnes qui uolunt in Christo pie uiuere, persecutionem patiuntur, tanto duriores persecutiones apostoli pro ueritate sustinuerunt, quanto priores in domini prædicatione apparuerunt. Consolatur autem pius magister mentes discipulorum, ut eo minus rabiem persequentium timerent, quo hæc sibi a pio magistro prædicta recolerent. Vnde cum eis alibi persecutiones uenturas pro prædicatione prædiceret, semetipsum in exemplo tolerantia propofuit, dicens: Si me persecuti sunt, & uos persequentur, si sermonem meum seruauerunt, & uestrum seruabunt. Et item: Nolite timere eos qui occidunt corpus, animam autem non possunt occidere. Sed potius eum timete, quæ potest & animam & corpus perdere in gehennam. Et alibi: Si de mundo essetis, mundus quod suum erat diligeret. Quia uero non estis de mundo, sed ego elegi uos de mundo, ideo odit uos mundus. Scandalizari autem est aliquem in persecutione a fide deficere, uel a prædicatione cessare. Ut autem

1. Tim. 4.

Ioh. 15.

Mat. 10.

Ioh. 15.



fortiores eos redderet, non solū persecutiones eis prædixit, sed etiā eiusdē genus persecutionis ostendit, cum adiunxit:

**Abq; synagogis facient uos.**

*συναγωγή* enim græce, latine conuentus siue congregatio dicitur. Neq; enim parua tunc temporis uituperatio erat, a synagoga eijci, sed sicut nunc turpe est pro suis sceleribus aliquem extra ecclesiam repelli, sic erat tunc uituperabile extraneū quē quam a synagoga fieri. Quod autē a synagoga frequenter eiecti sunt, liber Actuum apostolorū pleniter declarat, in quo legitur: Quia statuentes eos in concilio, denunciauerunt eis, ne cuiquam homini loquerentur, neq; docerent in nomine Iesu, quando illi ibant gaudentes a conspectu concilij, quoniam digni habiti sunt pro nomine Iesu contumeliam pati. Sed quia plures Iudæorum zelo carnalis legis defendendæ persecutiones apostolis commouerunt, recte subditur:

**Sed uenit hora, ut omnis qui interficit uos, arbitretur obsequium se præstare deo.** Hora in hoc loco tempus persecutionis intelligi potest; quo apostoli a pessimis erant persecutiones passuri. Magnum quippe obsequium se præstare deo arbitrabatur, cum prædicatores euangelij quasi destructores legis persequebantur. De quibus ait

**Ro. 10.** Apostolus: Confiteor, zelū dei habent, sed non secundum scientiam. Frustra autē defendunt legem per seruum datam, qui amittunt gratiam per filium factam. Quia sicut scriptum est, Lex per Moysen data est, gratia & ueritas per Iesum Christum facta est. Vnde & subinfertur:

**Ioha, 1.**

**Et hæc facient uobis, quia non nouerunt**

patrem necq; me. In hoc se Iudæi patrem non cognoscere ostendunt, cum prædicatores filij tanto odio persequuntur, sicut idem filius alibi discipulis dicit: Qui uos recipit, me recipit; & q; uos spernit, me spernit. Mat. 10.

Sed hæc locutus sum uobis, ut cum uenerit hora, eorum reminiscamini, quia ego dixi uobis. Ibid. & Mar. 13. Prædicit pius magister persecutiones discipulis uenturos, ut tanto facilius eas uenientes tolerarent, quanto ab illo prædictas recolerent. Minus em̄ iacula feriunt quæ præuideri possunt, repētini uero & subitanei casus, etiam fortissimos milites in bello cōturbare solent. Et ideo non solum hic quod futurum erat, prædicere uoluit, sed etiam plurimis in locis, ut tanto leuius tribulationes & angustias sufferrent, quanto per præscientiæ clypeum muniti essent. Cum em̄ mitteret eos ad prædicandum, dicens: Ecce ego mitto uos sicut oues in medio luporū, quid pro eadem prædicatione passuri essent, continuo manifestare curauit, subiiciens: Cavete ab hominibus, tradent enim uos in concilijs, & in synagogis suis flagellabunt uos, & ante reges & præfides ducemini propter me, in testimonium illis & gentibus. Et itē: Beati eritis cū uos oderint hoīes, & cum separauerint uos, & exprobrauerint & eiecerint nomen uestrū tanq̄ malum, propter filiū hoīs. Gaudete in illa dei & exultate, ecce enim merces uestra copiosa est, in cælis. Luc. 6.

### IN VIGILIIS PENTECOSTES. Iohannis. XIII.

In illo tempore dixit Iesus discipulis suis: Si diligitis me, mandata mea seruate. Et reli.

N